

UGOVOR

o pružanje usluga redovnog servisa kompresornice na Zetri

I UGOVORNE STRANE

KJP „ZOI'84“ OCS d.o.o. Sarajevo

Sjedište: Alipašina bb, 71000 Sarajevo

Koga zastupa direktor prof. Kenan Magoda

Identifikacijski broj: 4200347000004

(u daljem tekstu: Naručilac)

i

KOTA doo Sarajevo

Sjedište: Tvorniča 3, 71210 Ilidža

Kojeg zastupa direktor Elvedin Mušović

Identifikacijski broj: 4201048300006

Identifikacijski broj obveznika PDV-a: 201048300006

Transakcijski broj banke, ime i sjedište banke: 1327310010345179, NLB Sarajevo

(u daljem tekstu: Izvršilac)

II PREDMET UGOVORA

Član 1.

Predmet ovog Ugovora je pružanje usluga redovnog servisa kompresornice na Zetri prema Tenderskoj dokumentaciji broj 3133/19 od 13.11.2019.godine i ponudi Izvršioca, broj: 14/19 od 26.11.2019. godine, koji su u prilogu ovog Ugovora i čine njegov sastavni dio.

Član 2.

(1) Izvršilac se obavezuje da će u ugovorenom periodu pružati usluge servisiranja i održavanja rashladnog sistema od 4 klipna amonijačna kompresora ukupnog rashladnog kapaciteta 2.400 KW.

(2) Servis se radi na tri amonijačna kompresora GRASSO-1212 kako slijedi:

- a) C1- redovan godišnji servis, zamjena ulja i komplet filtera
- b) C4-redovan godišnji servis, zamjena ulja i komplet filtera kontrola rada elektromotora (trokut – zvijezda);

(3) Servis uključuje dijagnosticiranje eventualnog kvara, greški i smetnji, naručivanje dodatnih rezervnih dijelova i zamjenu neispravnih dijelova te popravke uređaja koji je predmet servisiranja.

III OBAVEZE IZVRŠIOCA

Član 3.

Izvršilac se također obavezuje da će:

- a) za dijelove, kao i izvršene usluge, za uređaje obuhvaćene predmetom servisiranja, dati garanciju minimalno za period od 12 mjeseci koja stupa na snagu od dana ugradnje dijela i/ili izvršenja usluge;
- b) ako je Izvršilac pogrešno izvršio uslugu dužan je grešku odmah i bez naknade otkloniti;
- c) nakon izvršenja usluge dužan izdati detaljno popunjen i potpisan radni nalog za sve izvršene usluge, zamijenjene dijelove na uređajima.

Član 4.

Za koordinaciju operativnih aktivnosti na realizaciji ovog ugovora, na način i u ugovorenim rokovima, imenuju se:

- a) za Naručioca: Mirzo Preljević;
- b) za Izvršioca: Elvedin Mušović.

VI CIJENA I NAČIN PLAĆANJA

Član 5.

(1) Ugovor se zaključuje sa ukupnom vrijednosti u iznosu do **8.294,90 KM** (Slovima: osamhiljaddvjestotinedevedesetčetiri i 90/100 KM) bez uključenog PDV-a, odnosno **9.705,03 KM** (Slovima: devethiljadasedamstotinepet i 03/100 KM) sa uključenim PDV-om.

(2) Usluge iz člana 1. ovog ugovora će se plaćati prema utvrđenim pojedinačnim cijenama iz ponude Izvršioca broj: 14/19 od 26.11.2019. godine, koje se neće mijenjati tokom ugovornog perioda.

Član 6.

(1) Naručilac će plaćanje ugovorene usluge izvršiti najkasnije 15 dana od prijema fakture Izvršioca.

(2) Izvršilac će fakture ispostavljati po završetku konkretne usluge.

V STUPANJE NA SNAGU I RJEŠAVANJE SPOROVA

Član 7.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana, a zaključuje se na period od 6 (šest) mjeseci, odnosno do njegovog ispunjenja, koja okolnost prije nastupi.

Član 8.

Svaka od ugovornih strana može pokrenuti postupak raskida ugovora ako druga strana ne izvršava ugovorene obaveze, uz otkazni rok od 15 dana.

Član 9.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

Član 10.

(1) Ukoliko Izvršilac u odgovarajućem roku i na ugovoren način ne bude izvršio ugovorene obaveze, dužan je za svaki propust i/ili započeti dan kašnjenja isplatiti Kupcu iznos od 50,00 KM, a najviše do 10% od ukupno ugovorenog iznosa.

(2) Ukoliko se tokom izvršenja Ugovora utvrdi da je postupak dodjele Ugovora zasnovan na značajnim greškama, nepravilnostima ili prevari za koje je odgovoran Izvršilac, Naručilac može odbiti ili obustaviti plaćanja po ovom Ugovoru, zahtjevati povrat plaćenog iznosa ili raskid Ugovora u odnosu na obim i ozbiljnost grešaka, nepravilnosti ili prevara.

(3) Ugovorna kazna ne oslobađa Izvršioca od odgovornosti po propisima o obligacionim odnosima za neispunjenje ili neuredno ispunjenje Ugovora, sve do namirenja stvarne štete.

(4) Naručilac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati niti ih predvidjeti.

VI OSTALE ODREDBE

Član 11.

Izvršilac nema pravo da u svrhu izvršenja ovog ugovora zapošljava, fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

Član 12.

Za sve što nije regulisano ovim ugovorom primjenjivaće se odredbe propisa Zakona o obligacionim odnosima u Bosni i Hercegovini.

Član 13.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

Član 14.

Ovaj Ugovo je sačinjen u 6 (šest) istovjetna primjerka od kojih svaka ugovorna strana zadržava po tri (tri) primjerka.

Za Izvršioca

Za Naručioca

Elvedi Mušović,direktor

Prof.Kenan Magoda,direktor

Datum: _____2019. godine

Datum: 09.12.2019. godine

Broj:

Broj: 3522/19

OBRAZAC ZA CIJENU PONUDE
Usluge redovnog servisa kompresornice na Zetri

Naziv ponuđača: KOTA d.o.o. Sarajevo

Ponuda br. 14/19 od 26.01. 2019. godine

Red. br.	Opis	Mjesto rada	Cijena usluge po pregledu: servisu bez PDV-a	Ukupna cijena usluge bez PDV-a (4x5)
1	2	3	4	5
Rashladni sistem od 4 klipna amonijačna kompresora ukupnog rashladnog kapaciteta 2.400 KW. Servis se radi na dva amonijačna kompresora GRASSCO-1212				
1.	C1- redovan godišnji servis, zamjena ulja i komplet filtera C4-redovan godišnji servis, zamjena ulja i komplet filtera kontrola rada elektromotora (trokut - zvijezda)	Kom 2	3.510,00	7.020,00
3.	Ulje Shell refrigeration S2 FR-A 68 za kompresore	L 209	6,10	1.274,90
4.	Ukupno bez PDV-a			8.294,90
5.	Popust			0,00
6.	PDV			1.410,13
7.	Ukupno sa popustom i PDV-om			9.705,03
8.	Stovimo: <u>devet hiljad sedamsto i napet KM i 03 kf</u>			

Napomena

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadži sve naknade koje ugovorni organ treba platiti ponuđaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlika između jediničnih cijena i ukupnog iznosa ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.
5. Za sve dijelove, kao i izvršene usluge, za uređaje obuhvaćene predmetom održavanja, izvršilac usluga mora dati garanciju minimalno za period od 12 mjeseci od dana ugradnje toga dijela i izvršene usluge. Ako je izvršilac usluga pogrešno izvršio uslugu dužan je grešku odmah i bez naknade otkloniti.

Potpis ovlaštene osobe ponuđača





str 5/23